



تمرة رمضان - العدد رقم 24

يحررها خالد غنام أبو عدنان - استراليا

موائد الرحمن الرمضانية في فلسطين



تكية عيسان الكبيرة

تأسست في عام 2018 في بلدة عيسان الكبرى قضاء خانينوس تحت اسم تكية خليل الرحمن. تكية عيسان الكبيرة استطاعت في اليوم الأول توفير وجبة إفطار صائم لـ 100 عائلة مستورة على مستوى بلدة عيسان الكبيرة و تتطلع إلى إنتاج الطعام الشعبي يوميا لتكون عنوانا لتكافل أبناء البلدة الميسورين مع العائلات غير المقتدرة مما يعزز الجانب الإجتماعي للخدمات البلدية إلى جانب الخدمات البلدية التقليدية.

من الكنايات الشعبية

- 1- في الزحمة: أي في وسط فوضى القول أو الفعل.
- 2- في المشمش: أي استحالة حدوث شيء ما. لأن موسم المشمش قصير.
- 3- في الهوى سوا: أي أنهما يمران بنفس الظروف.
- 4- فيك الخير: أي مازال حس خلقك غالب على تصرفاتك.



حكاوي الشاطر حسن : تأليف خالد غنم أبوعدنان : الشاطر حسن والريشات الذهبية

كان يا مكان مختار قرية اسمه أبو علي، كان عنده أراضي مزروعة وأشجار مغروسة وبيوت مسكونة، كان عنده فلوس كثير وكان يتمخطر بفرسه بوسط البلد وحوليه زلامه وأولاده، كان عنده سبع نسوان، ثلاثة ماتن وأربعة على ذمته، ميساء أصغر نسوانه هي أخت عزيز باشا شريكه بمعمل الحرير، كان عند أبو علي ثلاثة جبال كلها شجر توت محوطة بسلاسل صوان مرصوص ومدكوك فوقه كزاز مبرود مقري عليه من شيخ العابدين حسين السعدي وهو من دراويش الرفاعية المباركين. وكان فوق كل شجرة جلالة شاش يعني ناموسية تمنع الطيور إنها توكل الدود، ومبشم الأرض فزاعات. وكان شوقي حكيم دود القز، هو اللي بفوت يدهن ورق التوت بالزيت عشرين يستعمل الديدان تعمل حريرها . وكانت ميساء تقول انْ كَانْ بَدَّكَ تَعَشُّوْ، تاجِرْ بِالْحَرِيرِ، وَالْعَشْقُ يَا عَيْنِي بَدُو مَالْ كَثِير. وهي دايماً بدي فستان جديد وأساور ذهب وطلع شطحات مع بنات أخوها الباشا، وكانت بتعرف إنه حسن ابن ضرته المرحومة صافية أكثر أولاد أبو علي أمانة وشطارة وكان حسن هو المسؤول عن معمل الحرير وبشغل ليل نهار فيه .

مرة من مرات راحت ميساء على معمل الحرير بدها خيط طازة شغل السنة، قام أعطاها حسن خيط أصفر وقالها هذا اليوم انغزل وبعده ما نشف ولا تلون، سألت حسن عن الريشة الذهبية اللي بشعره، رد عليها: هاي من ريحة إمي، اطلعت فيه وقالت له: عيب عليك شب وحاطط ريشة مثل البنات هاتها، بس حسن بعد عنها وقالها: هاي تاعنت إمي ما بعبطها لحد، ردت عليه: بدك تيجي غصب عنك ورح أخلي أبوك بشوي لسانك ويخزق عينك. وركبت على حصانها غضبانه . إجي الحكيم شوقي وقال لحسن اهرب رح يذبوك، هاي ميساء خانوم عمرها ما طلبت شغلة وما أخذتها، أخوها عزيز باشا كل أهل الجليل بهابوه هذا جبار وإيده طابله، وأبوك بحبها كثير وعنده ثلاثين غيرك ولسه جابه بالطريق كمان ولدين، أبوك رح يجبرك نعطيهِ الريشة الذهبية . لدل حسن راسه ومشى بين شجرات التوت بفكر إيش يعمل بحاله، وإلا سمع صوت بنادي عليه، لطلل حوليه ملاقاش حد، سأل مين اللي بنادي علي؟ رد عليه الصوت: خلصني بخلصك وإن هملنتي هلكتك. رد عليه حسن: أنت وينك أنا رح أساعدك اظهر وبان عليك الأمان. قال الصوت: أنا إسمي قزقز ملفوف بالحرير على ورقة التوت اللي قبالك، قزقز حسن ومسك الورقة وقاله: إنت هون؟ إيش دخلك جواتها، هاي الورقة رح تنقطف وتنغلي بالمى اليوم هلقيت رح يجي الحكيم شوقي يقطعها بعد ما يخلص الغلوة اللي بايديه . قال قزقز: إسمع يا حسن إنت شب شاطر إقطع الورقة وحطها بعبك وأهرب على خربة السوس وأنا رح أساعدك. قام حسن قطع الورقة وحطها بعبه وركب على جحشته قاصدة خربة السوس .

إجي أبو علي ومعه رجاله على معمل الحرير وسأل الحكيم شوقي وين رح حسن؟ رد عليه وقاله: طفش قبلي يعني نواحي جنين، أصبر عليه يا مختار يومين وبرجع بترجاك ويطلب رضاك. بس أبو علي بعث رجاله وراه. أما حسن فكان شرّق صوب طيرية رايح على خربة السوس . ولما دخلها قال قزقز: شفا وخمير يا عرقسوس، ردت عليه شجرة السوس: قزقز ابن البلوط مين ربك بورقة التوت؟ رد قزقز: رجال عزيز باشا قطعوا أشجار البلوط وباعوه خشب لطلبان وأمي هربت ولما تعبت نزلت على توتة، استغربت شجرة السوس وقالت: أنت قزقز من دود القز البري، مش شغل مزارع أصلا حريرك خشن وما بنغزل إيش بدهم فيك، بس خلص أنت وصلت تعال ونام فوق غصوني وأنا بطعميك لتكبر . وبسرعة طارت الورقة من عب حسن ولزقت على غصن التوتة . ظله حسن واقف مش عارف إيش يعمل لحد ما حكى قزقز: يا شاطر حسن أنت رجعت لي الروح وحك إني أساعدك رح أعملك ريشة صفرة مثل ريشة إمك بتروح تعطيها لميساء الدلوعة وبتخلص حالك من زعل أبوك. قام شجرة السوس قالت: الله بعينك يا قزقز تعمل ريشتين عشرين يعطي وحدة ثانية لأبوه اللي بعرف أنه المرحومة صافية كان عندها ريشتين ذهبيت مش ريشة وأنت يا حسن بدك تخبي الريشة الأصلية جواتي هون بعش الشنارة. رد عليه قزقز: بدك ريشتين يعني بتروح بتلقط إخواني من ورق التوت وبتجيبهن لعندي، بقدرك أعملك ريشتين ما بكفي الحرير اللي عندي. وشوي زيت قزقز ريشة صفرة صغيرة وقال لحسن: هذا كل الحرير اللي ضل عندي، وإذا أعطيتك من حرير بيتي رح أموت من البرد، قالت شجرة السوس لحسن: بالليل طيح وتسحب على معمل الحرير ورح تعرف تجيب إخوات قزقز ثلاثة وتقدي حالك، بس روح لحالك واربط جحشتك بخصري، وظلك ماشي على أطراف الوديان لأنه بنات عسيلة إم الحيات الصفر بحومن بالوديان الليلة .

وهيذ عمل الشاطر حسن وضله يمشى على ذبال الوديان، ويسمع صوات وبس ضله ماشي وعينه قدامه. شوي والا حس بالشوك بغزوز بإجريه، دوح وبعصاته صار يعين الشوك عنهن، بس شم ريحة زفرة وصار يبهر امينج والا عرف انه واقع في بيت عكوب، وهذا شوك أخضر مش ناشف، فصار يسحب إجر إجر لورا عشرين يطلع من بيت العكوب وزبطت طريفته، بس هو بسحب بحاله اتكعبلت إجره وسفط على بوزه وبعديها داخ وادحرج لفاع الوادي . والا التمن حوليه بنات عسيلة حيات صفر از غار وهن يقولن يا شاطر حسن احنا بنات البحر امنا طلقت ابونا وزتنا بين الحجار لا مي ولا عرسان يا بتحملنا للبحر يا بنمص دماتك، رد عليهم الشاطر حسن كيف بدي احملك وانتن اكثار وين احنا وين البحر، وصارن يتشعبطن عليه لحد ما صارن كلهن عليه، ومن ثقلهن طاح بأرضه، قام قلهن خلص رح أوحذن. قال الهن بدي تعملن الي عربية تركبن فيها وانا بدزكن لشط حيفا، قامن عملن من شوك العكوب عربية، وبساع صارن كلهن بالعربية وصارن يغنن عكوب شوك وقلوب عكوب عربية وركوب وبا شاطر حسن ع البحر ودينا يا شاطر حسن دز دز وعلى البحر ودينا. وضله الشاطر حسن يذب بالعربية تانه وصل البحر. ونزلن على المي وهن يقولن يا شاطر حسن صار الك صاحبات بالبحر اطلب واتمنى وعك احنا مش رح نتخلى . ودار حاله ورجع دروبه قاصد معمل الحرير وصل قبل الفجر بشوي اتسحب تا وصل الشجرة لمعلمة بشرطة صفرة قطف الورقات الثلاث اللي عليهن اخوات قزقز وزى ما فات طلع. وارماح ركض تا وصل خربة السوس، صار يصيح يا قزقز لبيتك مرادك ومرادي عليك تلبيه. طلع قزقز من جوات السوسة وقال لخواته بكرا الظهر رح يصير لنا جوانح ونطير بالعالى ومن هلقيت لازم نعمل ثلاث ريشات للشاطر حسن، وقامن طلعن من راس بيتهن وما مز عن حريرهن، وصارن يغزلن بالحرير ويعملن كل وحدة ريشة، وهن يعملن فيهن صار ينبز بكتافهن جوانح وقت الضحى خلصن واعطن الشاطر حسن الريشات الثلاث، وإجي قزقز واعطاه ريشته وقال له هذه الك ولا تعطيها لميساء. لما اضيق فيك الدنيا، حط هاي الريشة فوق شجرة بلوط وقول يا قزقز البلوط يا قزقز البلوط وانا بجيك ويساعدك .

ودع الشاطر حسن كل صحابه وركب على جحشه ورجع على دياره. وعند دار ابوه وقف وقال انا جيت وجبت لميساء بدل الريشة ثلاث ما في منهن بالكون. طلعت ميساء وشافت الريشات وقالت خلص سامحتك ونزلت اخذت الريشات وهي مبسوفة وقالت له هنول ريشات صفر حرير وصارن الي ولسه بدي الريشة الذهبية وينها؟ رد عليها الشاطر حسن هاي الريشة من إمي تذكر، قالت رح أربطك بالشجرة تا تحكي وين خبيتها؟ وضله الشاطر حسن مربوط ورجال ابوه يتعوده بالجلد حتى طاح الليل روحا وتركوه بساحة مربوط . وبنص الليل حس في شغلة بتلف على رجليه، بحر تحته والا لقي الحية عسيلة، قالت له يا شاطر حسن مش رح تقدر افكك اسناني زغار بس اطلب واتمنى ايش بدك اناولك ولو كان بثم الضع بجيب لك اياه، قال لها بدي ريشة صفرة خبيتها تحت شجرة الخروب في أول البلد هي جنب مريب الجمال، زحفت عسيلة تا وصلت على الخروبة بحشت تا لقت الريشة، خبتها جوات تمها ورجعت زحف لعند شاطر حسن، ناولته اياها وهو مسكها بايديه وقال: يا قزقز البلوط يا قزقز البلوط، والا شاف فراشة فوق راسه قالت له: ايش بدك يا شاطر حسن أنا قزقز البلوط، رد عليه: ميساء ربطتني وما بدتها إلا ريشة إمي، قاله قزقز: ولا يهيمك الصبح هي رح تترجك تسامحها بخاطرك يا شاطر حسن وطارت الفراشة وراحت عسيلة بدروبها وضل الشاطر حسن مربوط. وفي دار أبوه صحبوا على صراخ ميساء وهي بتحكي الريشات الصفر صارن حبل والتف حولين رقبتني مش قادر اتنفس روحي طلعت، حاولوا رجال أبوه يفكوا الحبل صار يشد أكثر وهي تصرخ أعلى، ونطق الحبل وقال ما بفكنا إلا الشاطر حسن . قالت ميساء يا الله قوام احملوني ودوني للشاطر حسن حملوها على العربية لعند شاطر حسن وصارت تبوس بإجريه وتقوله مشين الله سامحني والله عرفت اني غلطانة بحكك مشين الله فك الحبل عن رقبتني، رد عليها الشاطر حسن بتفكيني وعمرك ما بتطلبي مني ريشة إمي، قالت له تشهد علي كل البلد عمري ما بطلب منك ريشة إمك، وفكته، قام شاطر حسن حط ايده على الحبل وإلا الحبل طار وصار ثلاث ريشات فوق ذانه اليمين، وصار الشاطر حسن ايد ابوه اليمين وعاشوا أحباب سالمين.

أكلات كديمة: اللخنة النابلسية



اللخنة الخضرا من الاكلات النابلسية الشهيرة ولا احد يعرفها غيرهم وهي عبارة عن نبات اخضر اوراقه تشبه ورق القنبيط ولكن اصغر بكثير وتقريبا نفس النكهة حيث تسلق الاوراق قليلا وتغسل جيدا وتحشى مثل ورق العنب تقريبا ولكن على شكل مخروطي (تغلق الورقة من جهة واحدة فقط والحشوة عبارة عن الارز واللحم المفروم والزيت والبهارات وخصوصا الكمون تصف في الطنجرة ويوضه بينها اسنان الثوم المقشر ووقها البندوره المفرومة تطهى على نار هادئة مع غمر الطنجرة بالماء حتى تنضج مدة ساعتين تقريبا. كما أن العائلات الفقيرة كانت يقطعون أوراق القنبيط (الزهرة) ويحشونها وهي تسمى لخنة الزهرة.

صور التراثية



photo by shady alasser - gaza 2009

الألغاز شعرية



1- ما اسم الشيء طاب أكلاً * ناعم في الحلق ليّن * كيف تجفى عنك هذا * وهو في التصحيف بيّن.

(التين)

2- أتعرف طائراً في الأرض يلقى * وفي جو السماء مع الجوّاري * به عجب لأن الرأس حوت * وآخره ترى ذنب الحمار.

(النسر)

3- لي جمع أصحاب أعشقهم وأهواهم * ولا أشتهي قط أنظرهم ولا أراهم * أقسم بما خلقهم وسواهم * ما طاب لي عيش في الدنيا برؤياهم.

(الأسنان)

4- وذات ذؤابة تنجر طولاً * تراها في المجيء وفي الذهاب * وما ليست مدى الأيام ثوباً * وتكسو الناس أنواع الثياب.

(الإبرة)



مدرس لغه عربية قال للطلبة لما يدخل مشرف
التربيه تكلموا معي باللغة العربية الفصحى
دخل المشرف و قال الأستاذ للطالب :
فم وأغلق الباب ياسالم
سالم قال له :
أمرك يامولاي
حالياً الأستاذ مسجون بتهمة تأسيس إمارة
إسلامية

الله لا يوفقك ياسالم 😂😂😂😂😂





العلاقات السرية بين الوكالة اليهودية وقيادات سورية في أثناء الثورة الفلسطينية الكبرى

يعالج كتاب الدكتور محمود محارب، الصادر حديثاً عن "جسور للترجمة والنشر" في 496 صفحة، موضوع العلاقات السرية التي أقامتها الوكالة اليهودية مع قيادات ونخب سورية، ولا سيما السياسية والإعلامية، في أثناء الثورة الفلسطينية الكبرى (1936 - 1939). وهو يكشف التاريخ الآخر لهذه العلاقات في هذه الفترة، والمتناقض مع الروايتين السورية والإسرائيلية عن العلاقات بين الطرفين.

